



**Broj/Број: 02 –50 –1-67-37/'05
Sarajevo/Сарајево: 26.1.2005.god**

**ZAPISNIK
37. sjednice Doma naroda
Parlamentarne skupštine Bosne i Hercegovine,
održane 26. januara 2005. godine**

Sjednica je počela u 11,20 sati.

Sjednicom je predsjedavao prvi zamjenik predsjedavajućeg Doma naroda Parlamentarne skupštine Bosne i Hercegovine Velimir Jukić.

Na sjednici je bilo 12 delegata.

Delegati Goran Milojević i Ilija Filipović opravdali su izostanak.

Osim delegata, na sjednici Doma naroda bili su: predstavnici Vijeća ministara, predstavnici međunarodnih organizacija i predstavnici sredstava javnog informiranja.

Dom naroda usvojio je sljedeći izmijenjeni

D N E V N I R E D

1. Odgovori na delegatska pitanja i delegatska pitanja;
2. Zapisnici 35. i 36. sjednice Doma naroda;
3. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama zakona o uvozu i izvozu oružja i vojne opreme;
4. Izvještaj Zajedničke komisije o nastojanju za postizanje sporazuma o identičnom tekstu Zakona o porezu na dodatu vrijednost (PDV);
5. Zahtjev Predstavničkog doma za razmatranje Zakona o izmjeni Zakona o radu institucija Bosne i Hercegovine po hitnom postupku, u skladu s članom 100. Poslovnika;
6. Zahtjev Predstavničkog doma za razmatranje Zakona o izmjeni Zakona o javnim nabavkama Bosne i Hercegovine po hitnom postupku, u skladu s članom 100. Poslovnika;
7. Zahtjev Vijeća ministara za razmatranje Prijedloga zakona o izmjenama i dopunama Zakona o krivičnom postupku po hitnom postupku, u skladu s članom 99. Poslovnika;
8. Izvještaj o izvršenju Budžeta institucija Bosne i Hercegovine i međunarodnih obaveza BiH za 2003.;
9. Prijedlog zakona o izmjenama i dopunama zakona o Centralnoj banci Bosne i Hercegovine – prvo čitanje;
10. Prijedlog budžeta institucija Bosne i Hercegovine i međunarodnih obaveza Bosne i Hercegovine za 2005. – prvo čitanje;
11. Prijedlog zakona o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2005. – prvo čitanje;

12. Prijedlog jedinstvenih pravila za izradu pravnih propisa u institucijama Bosne i Hercegovine;
13. Izvještaj o radu Komisije za vanjsku i trgovinsku politiku Doma naroda;
14. Davanje saglasnosti za ratifikaciju Ugovora između Vijeća ministara BiH i Vlade Hrvatske o izbjegavanju dvostrukog oporezivanja u odnosu na poreze na dohodak i na imovinu;
15. Davanje saglasnosti za ratifikaciju Ugovora između Vijeća ministara BiH i Vijeća ministara Srbije i Crne Gore o izbjegavanju dvostrukog oporezivanja u odnosu na poreze na dohodak i na imovinu;
16. Davanje saglasnosti za ratifikaciju Sporazuma između Vlade Republike Bosne i Hercegovine i Vlade Republike Mađarske o saradnji po pitanjima borbe protiv terorizma, trgovine narkoticima i organiziranog kriminala;
17. Davanje saglasnosti za ratifikaciju Sporazuma o transferu i prihvatu osoba na državnoj granici između Vlade Republike Bosne i Hercegovine i Vlade Republike Mađarske;
18. Davanje saglasnosti za ratifikaciju Konvencije o transferu osuđenih osoba;
19. Davanje saglasnosti za ratifikaciju Ugovora između Vijeća ministara BiH i Vlade Republike Hrvatske o zajedničkom finansiranju održavanja i pogona regionalnog odvodnog sistema Komarna-Neum-Mljetski kanal;
20. Davanje saglasnosti za ratifikaciju Sporazuma između Vlade BiH i Vlade Savezne Republike Njemačke o finansijskoj saradnji u 2003. godini;
21. Davanje saglasnosti za ratifikaciju Sporazuma o razvojnom kreditu (pružanje urbane infrastrukture i pružanja usluga) između Bosne i Hercegovine i Međunarodne asocijacije za razvoj;
22. Prijedlog autentičnog tumačenja člana 51. stav 1. tačka a) Zakona o autorskom pravu i srodnim pravima u Bosni i Hercegovini («Službeni glasnik BiH», broj 32/02).

Ad-1. Odgovori na delegatska pitanja i delegatska pitanja

Odgovora na delegatska pitanja nije bilo.

Delegat Tomislav Limov postavio je sljedeća pitanja Vijeću ministara BiH:

1. Koliko je tokom 2004. godine od strane institucija BiH registriran (količinski i novčano):
 - a) uvoz u Bosnu i Hercegovinu – voća i povrća, mlijeka, šećera, jestivog ulja, mineralne vode, prirodne vode, vina i piva,
 - b) izvoz iz Bosne i Hercegovine – voća i povrća, mlijeka, šećera, jestivog ulja, mineralne vode, prirodne vode, vina i piva.
2. Koliko je novčana vrijednost uvoza i izvoza sjemeni i sadnog materijala u Bosnu i Hercegovinu i iz Bosne i Hercegovine u 2004. godini?

Delegat Halid Genjac postavio je sljedeće pitanje predsjedavajućem Vijeća ministara BiH:

1. Koji su razlozi ili koje je ekonomsko opravdanje rukovodilo Vijeće ministara da zadrži dodatnu carinu na pekarski kvasac u okolnostima kada:
 - više od tri godine ne postoji domaća proizvodnja kvasca,
 - pekarski kvasac se koristi prevashodno u proizvodnji pekarskih proizvoda, tj. hljeba i peciva, odnosno životnih namirnica koje ovakav pristup poskupljuje,
 - enormno visoka carinska zaštita nepostojeće domaće proizvodnje omogućuje monopolski položaj, isključivo administrativnim putem, proizvodima iz zemalja koje

imaju potpisane ugovore o slobodnoj trgovini sa BiH (SCG i Hrvatska) istovremeno čineći skupljim mnogo kvalitetniji kvasac iz drugih evropskih zemalja 80%.

- već više od dvije godine žitozajednice BiH i Udruženje poljoprivrede i prehrambene industrije RS ukazuju Vijeću ministara na ovu nelogičnost....?

Delegat Velimir Jukić postavio je sljedeće pitanje Regulatornoj agenciji za komunikacije Bosne i Hercegovine:

- da li su cijene i kvalitet internet usluga jednake kod sva tri telekom operatera u BiH?
- šta čini Regulatorna agencija za komunikacije (RAK) kako bi se kvalitet ovih usluga popravio a cijene usluga snizile?

Predlažem RAK-u da, u okviru svojih zakonskih ovlaštenja, naloži operaterima podizanje kvaliteta usluga na viši nivo, preispitivanje sadašnje cijene usluga, te ako postoji mogućnost, naloži sniženje i ujedno izjednačenje cijena kod sva tri telekom operatera

Ad-2. Zapisnici 35. i 36. sjednice Doma naroda

Zapisnici 35. i 36. sjednice Doma naroda jednoglasno su usvojeni.

Ad-3. Izvještaj Zajedničke komisije o nastojanju za postizanje sporazuma o identičnom tekstu Zakona o izmjenama i dopunama zakona o uvozu i izvozu oružja i vojne opreme

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o izmjenama i dopunama zakona o uvozu i izvozu oružja i vojne opreme.

Ad-4. Izvještaj Zajedničke komisije o nastojanju za postizanje sporazuma o identičnom tekstu Zakona o porezu na dodatu vrijednost (PDV)

U raspravi nije niko učestvovao.

Dom naroda jednoglasno je usvojio Izvještaj Zajedničke komisije oba doma o postizanju sporazuma o identičnom tekstu Zakona o porezu na dodanu vrijednost (PDV).

Ad-5. Zahtjev Predstavničkog doma za razmatranje Zakona o izmjeni Zakona o radu institucija Bosne i Hercegovine po hitnom postupku, u skladu s članom 100. Poslovnika

U raspravi nije niko učestvovao.

Dom naroda usvojio je zahtjev Predstavničkog doma za razmatranje Zakona o izmjeni Zakona o radu institucija Bosne i Hercegovine po hitnom postupku, u skladu s članom 100. Poslovnika Doma naroda, nakon čega je Zakon jednoglasno usvojen.

Ad-6. Zahtjev Predstavničkog doma za razmatranje Zakona o izmjeni Zakona o javnim nabavkama Bosne i Hercegovine po hitnom postupku, u skladu s članom 100. Poslovnika

U raspravi su učestvovali Vinko Radovanović i Halid Genjac.

Dom naroda nije usvojio zahtjev Predstavničkog doma za razmatranje Zakona o izmjeni Zakona o javnim nabavkama Bosne i Hercegovine po hitnom postupku, u skladu s članom 100. Poslovnika Zakon će se razmatrati u redovnoj proceduri.

Ad-7. Zahtjev Vijeća ministara za razmatranje Prijedloga zakona o izmjenama i dopunama Zakona o krivičnom postupku po hitnom postupku, u skladu s članom 99. Poslovnika

U raspravi je učestvovao Halid Genjac.

Dom naroda jednoglasno je usvojio zahtjev za razmatranje po članu 99. Poslovnika Doma naroda Prijedloga zakona o izmjenama i dopunama Zakona o krivičnom postupku.

Ad-8. Izvještaj o izvršenju Budžeta institucija Bosne i Hercegovine i međunarodnih obaveza BiH za 2003.

U raspravi su učestvovali: Osman Brka, Tomislav Limov i Halid Genjac.

Dom naroda je većinom glasova usvojio Izvještaj o izvršenju Budžeta institucija Bosne i Hercegovine i međunarodnih obaveza BiH za 2003. sa sljedećim zaključkom:

«Dom naroda izražava nezadovoljstvo zbog ovolikog kašnjenja sa izvještajem i upućuje protest Predsjedništvu Bosne i Hercegovine zbog ovakvog kašnjenja».

Ad-9. Prijedlog zakona o izmjenama i dopunama zakona o Centralnoj banci Bosne i Hercegovine – prvo čitanje

U raspravi su učestvovali: Osman Brka i guverner Centralne banke Kemal Kozarić.

Dom naroda usvojio je u prvom i drugom čitanju Prijedlog zakona o izmjenama i dopunama zakona o Centralnoj banci Bosne i Hercegovine sa sljedećim amandmanima:

Amandman 1.

Član 1. briše se.

Amandman 2.

Član 2. koji postaje član 1. mijenja se i glasi:

“U Zakonu o Centralnoj banci Bosne i Hercegovine (“Službeni glasnik BiH”, broj: 1/97; 29/02; 8/03; 13/03 i 14/03) (u daljem tekstu: Zakon), u član 2. u stavu 3. iza tačke h. dodaje se nova tačka “i” koja glasi:

“i da provodi radnje u pomaganju borbe protiv pranja novca, pomaže antiterorističke mjere i mjere protiv opstrukcije provođenja Općeg okvirnog sporazuma za mir u Bosni i Hercegovini, koje se odnose na banke.”

Amandman 3.

Član 3. briše se.

Amandman 4.

Član 4. briše se.

Amandman 5.

Član 5. briše se.

Amandman 6.

U članu 6., koji postaje član 2., briše se stav 2.

Amandman 7.

Član 7. briše se.

Amandman 8.

Član 8. postaje član 3.

Amandman 9.

Član 9. briše se.

Amandman 10.

Članovi 10., 11., 12., 13. i 14. postaju članovi 4., 5., 6., 7. i 8.

Amandman 11.

Član 11. Prijedloga zakona mijenja se i glasi:
 “Član 27.

Raspodjela čistog profita Centralne banke

Ako Centralna banka ostvari čisti profit u bilo kojoj godini, čisti profit raspoređuje Upravno vijeće primjenjujući sljedeći redoslijed prioriteta:

- a. dio čistog profita izdvaja se na račun generalne rezerve Centralne banke, tako da iznos početnog kapitala i generalne rezerve bude ekvivalentan iznosu od pet procenata ukupnog iznosa novčane pasive (kako je definirano članom 31. Zakona) prikazane na računima Centralne banke za kraj te finansijske godine;
- b. ostatak čistog profita raspoređuje se tako da 40 procenata Upravno vijeće raspoređuje svojom odlukom za povećanja kapitala i rezerve za generalne rezerve Centralne banke, a 60 procenata Centralna banka uplaćuje na račun institucije zadužene za Budžet Bosne i Hercegovine, u periodu od četiri mjeseca nakon završetka budžetske godine.
- c. čista nerealizirana dobit raspoređuje se na račun procijenjene vrijednosti rezervi, koji se vodi u bilansu stanja Centralne banke”.

Amandman 12.

Član 15., koji postaje član 9., mijenja se i glasi:

“Raspodjela čistog profita Centralne banke u skladu s članom 5. ovog zakona (član 17. Zakona) izvršit će se prema ostvarenim rezultatima poslovanja za finansijsku 2004. najkasnije do 28. februara 2005.

Amandman 13.

Član 16., koji postaje član 10., mijenja se i glasi :

“Ovaj zakon stupa na snagu narednog dana od dana objavljivanja u “Službenom glasniku BiH”, a objavit će se i u službenim glasilcima entiteta i Brčko Distrikta Bosne i Hercegovine.”

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za nastojanje postizanja sporazuma o identičnom tekstu Zakona:

- Osman Brka
- Anto Spajić
- Goran Milojević

Ad-10. Prijedlog budžeta institucija Bosne i Hercegovine i međunarodnih obaveza Bosne i Hercegovine za 2005. – prvo čitanje

U raspravi su učestvovali: Osman Brka, predstavnici Vijeća ministara Jusuf Kumalić i Ranko Šakota, Tomislav Limov, Đoko Pajić, Hasan Čengić, Mustafa Pamuk, Velimir Jukić, Hilmo Neimarlija i Halid Genjac.

Dom naroda je većinom glasova usvojio u prvom i drugom čitanju Prijedlog budžeta institucija Bosne i Hercegovine i međunarodnih obaveza Bosne i Hercegovine za 2005. godinu u istovjetnom tekstu kao i na Predstavničkom domu uz sljedeće zaključke:

1. Prilikom implementacije, odnosno izvršenja Budžeta institucija BiH i međunarodnih obaveza za 2005. potrebno je strogo voditi računa o poštivanju Ustava BiH. Obavezuje se Vijeće ministara BiH da, u roku od 30 dana od dana 26.1.2005., predloži Rebalans budžeta, posebno u vezi s plaćama državnih službenika i «osoba koje obavljaju službu u institucijama Bosne i Hercegovine», imajući u vidu diskusiju vođenu na sjednici Doma naroda u vezi s razmatranjem Prijedloga budžeta institucija Bosne i Hercegovine i međunarodnih obaveza Bosne i Hercegovine za 2005. godinu;

2. Da se prilikom implementacije Budžeta institucija BiH i međunarodnih obaveza za 2005. godinu osiguraju i omoguće finansijska sredstva, odnosno uslovi za nesmetan i normalan rad Ureda oficira za vezu u Hagu.

Ad-11. Prijedlog zakona o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2005. – prvo čitanje

U raspravi nije niko učestvovao.

Dom naroda je većinom glasova usvojio u prvom i drugom čitanju Prijedlog zakona o izvršenju Budžeta institucija Bosne i Hercegovine i međunarodnih obaveza Bosne i Hercegovine za 2005. godinu u identičnom tekstu kao i na Predstavničkom domu.

Ad-12. Prijedlog jedinstvenih pravila za izradu pravnih propisa u institucijama Bosne i Hercegovine

U raspravi je učestvovao Hilmo Neimarlija.

Dom naroda jednoglasno je usvojio Prijedlog jedinstvenih pravila za izradu pravnih propisa u institucijama Bosne i Hercegovine u identičnom tekstu kao i na Predstavničkom domu.

Ad-13. Izvještaj o radu Komisije za vanjsku i trgovinsku politiku Doma naroda

U raspravi nije niko učestvovao.

Dom naroda jednoglasno je usvojio Izvještaj o radu Komisije za vanjsku i trgovinsku politiku Doma naroda.

Ad-14. – 21. Davanje saglasnosti za ratifikaciju

U raspravi nije niko učestvovao.

Doma naroda je dao saglasnost za ratifikaciju:

- Ugovora između Vijeća ministara BiH i Vlade Hrvatske o izbjegavanju dvostrukog oporezivanja u odnosu na poreze na dohodak i na imovinu;
- Ugovora između Vijeća ministara BiH i Vijeća ministara Srbije i Crne Gore o izbjegavanju dvostrukog oporezivanja u odnosu na poreze na dohodak i na imovinu;
- Sporazuma između Vlade Republike Bosne i Hercegovine i Vlade Republike Mađarske o saradnji po pitanjima borbe protiv terorizma, trgovine narkoticima i organiziranog kriminala;
- Sporazuma o transferu i prihvatu osoba na državnoj granici između Vlade Republike Bosne i Hercegovine i Vlade Republike Mađarske;
- Konvencije o transferu osuđenih osoba;
- Ugovora između Vijeća ministara BiH i Vlade Republike Hrvatske o zajedničkom finansiranju održavanja i pogona regionalnog odvodnog sistema Komarna-Neum-Mljetski kanal;
- Sporazuma između Vlade BiH i Vlade Savezne Republike Njemačke o finansijskoj saradnji u 2003. godini;
- Sporazuma o razvojnom kreditu (pružanje urbane infrastrukture i pružanja usluga) između Bosne i Hercegovine i Međunarodne asocijacije za razvoj.

Ad-22. Prijedlog autentičnog tumačenja člana 51. stav 1. tačka a) Zakona o autorskom pravu i srodnim pravima u Bosni i Hercegovini («Službeni glasnik BiH», broj 32/02)

U raspravi nije niko učestvovao.

Dom naroda jednoglasno je usvojio Autentično tumačenje člana 51. stav 1. tačka a) Zakona o autorskom pravu i srodnim pravima u Bosni i Hercegovini («Službeni glasnik BiH», broj 32/02).

Sjednica je završena u 17,00 sati.

Sastavni dio ovog zapisnika je neautorizirani transkript sjednice.

SEKRETAR
DOMA NARODA
Jadranko Tomić

PRVI ZAMJENIK
PREDSJEDAVAJUĆEG
DOMA NARODA
Velimir Jukić